

BON DIA *Aruba*

Editor
Caribbean Speed
Printers N.V.
Aruba Bank N.V.
Acc.No 033266.8

DIRECTOR

John Chemaly
John Chemaly Jr.

GERENTE GENERAL

Grace Mary Maduro

CORDINADOR

Benjamin Romero

REDACCION

Tito Lacle
Delma Arends
Margarita Els
Oscar Vidal
Maritza Faro
Melvin Garcia
Keven van Ommeren
E-mail: noticia@bondia.com

PROJECT EXECUTIVE

Elisabeth Guanipa
Genevieve Garcia

REDACTOR DEPORTIVO

Harold Faro
Richard Brooks
Andres Krozendijk
Email: deporte@bondia.com

COLABORADOR

Micheal Arends
Dr. Carlos Viana
Ronzzio de Cuba
Seever Krozendijk

INTERNATIONAL

Mariano Heyden
Margatita Els
(Antiyas) (Bonaire)

FOTOGRAFO

Debby Kelly
Dino Tromp
Jason Inesia

REPORTERO

Ludwig Hermans

LAYOUT

Glady's Palomino
Dina Maria

SALES

Elly Erasmus
Marijke Croes Luidens
Wendy Kelkboom

AVISO Y ARTE

Sandra Loeffstop
(Hefe Reservation)
Lando Rafael

ADMINISTRACION Y DISTRIBUCION

Eduard Martijn
(Hefe)
Jenny Lobbrecht
Martha Ariza
Natasha Ramos

COLLECTOR

Marieta Tromp

PRE PRESS

Luis Fernando Arenas
(Hefe)
Pablo Libre

PRESS

Ronald Schenker
(Hefe)
Omar Ramirez
Martin Boekhoudt

RECEPCIONISTA

Mariela Carrera

AGENDA DI NOTICIA

Associated Press
Editor's Press
United Media
Reuters

AFILIACION

Sociedad Interamerica
di Prensa (SIP)

DIRECCION

Weststraat 22
Tel: 582-7800 / Fax: 582-7044
Email: noticia@bondia.com
BON DIA ARUBA

Ta un corant redacta y imprimi na Aruba
y ta obtenibel di Dialuna te cu Diasabra
Ningun contendo por wordo reproduci
sin permiso di Editor.
www.bondia.com

Parlamentario Mike Eman tin e honor di informa

Sr. Antonito “Mito” Croes a wordo eligi number 11 riba lista di CDA pa Parlamento Europeo

Ta importante pa Aruba tin su propio representante den Parlamento Europeo



Antonito Cordiano “Mito” Croes, un persona conoci no solamente na Aruba, pero den Reino completo pa su experticio riba tereno constitucional.

ORANJESTAD – Despues di a pasa den henter e proceso pa ciudadanonan Hulandes Caribense por haya e derecho di voto pa Union Europeo, parlamentario sr. Mike Eman (AVP) a pasa pa e siguiente paso pa loke ta e derecho di voto pa ciudadanonan Hulandes Caribense. Sr. Eman a bisa cu na momento cu e veredicto a bini el a bini como un victoria pa henter e comunidad Arubano y Antiano y pa derechonan humano pa tur cu ta biba riba e paisnan aki den Reino Hulandes.

Awor cu e ciudadanonan aki tin e derecho di vota, Eman ta bisa cu esaki ta pa un cambio pa un y tur. Nan no ta papia di avancen pa un grupo chikito y kibra barera pa un grupo selecta, pero habri oportunidadnan grandi pa un y tur den e pais aki. Na momento cu e ley a bay Tweede Kamer, ta otro momento importante y

sigur na momento cu el a wordo aproba tabata momentonan grandi.

Riba e mesun fechanan ey sr. Mito Croes y sr. Eman a haci un bishita serca presidente di CDA na Hulanda, unda tabata presente e Presidente di CDA na Hulanda. A informa cu AVP a biba e momento aki cu un pensamiento y vision cu ta trascendente no solamente pa haya e derecho di vota y a mira e momento aki como momento di uza e derecho di voto. AVP a entrega un peticion pa dr. Mr. Mito Croes por ta un candidato riba e lista di CDA pa e proximo eleccion di Parlamento Europeo cu lo tuma lugar dia 4 di juni.

Na momento cu esaki a wordo entrega, sr. Croes a keda yama pa entrevista y presentacion conhuntamente cu e cantidad di candidatonan cu e partido aki mester duna pa traha un

lista di 25 persona cu ta bay riba e lista pa CDA cu ta bay eleccion, y diabierna ultimo e directiva di CDA a determina e lista pa cual nan ta bay eleccion.

Ayera sr. Mike Eman tabata tin e honor di ser informa cu un Arubiano, sr. Antonito Cordiano “Mito” Croes, un persona conoci no solamente na Aruba, pero den Reino completo pa su experticio riba tereno constitucional, pa su integridad y su capacidad riba tereno politico constitucional, a wordo eligi pa ta number 11 riba e lista di CDA pa e Parlamento Europeo cu lo tuma luga proximamente na Juni.

Parlamentario Mike Eman a bisa cu e punto aki ta bay duna e oportunidad pa un Arubiano por yega den Parlamento Europeo. E importancia pa tin un Arubiano den

Parlamento Europeo ta, cu na e momentonan aki decisionnan importante di Europa, di Union Europeo ta wordo tuma entre otro den e Parlamento Europeo, den cual nos no tin vos/ no tin ningun persona cu ta realmente representa e islanan Hulandes Caribense. Leynan ta wordo traha den e Parlamento Europeo ey cu tin efecto directo riba nos posicion den Reino Hulandes. Tambe tin leyman y cuadranan di reglanan cu ta wordo fiha pa entre otro pa ayudo, oportunidadnan pa financia proyectonan, oportunidadnan pa sostene estudiante pa avansa den nan estudio, oportunidad den tecnologia y un sin fin di otro oportunidad nan, y ta pesey ta importante pa Aruba tin su propio representante den e Parlamento Europeo aki, pa asina por duna un vos den number di e paisnan den Caribe aki.